



ANTARA kenderaan yang dikesan melanggar undang-undang trafik pada Op HUU di Kuala Lumpur.

Salah parkir paling banyak kena saman

Kuala Lumpur: Sebanyak 9,427 saman dikeluarkan dalam tempoh tiga hari pelaksanaan Op Hormat Undang-Undang Jalan Raya (HUU) di ibu negara bermula 4 Jun hingga kelmarin.

Ketua Jabatan Siasatan dan Penguatkuasaan Trafik (JSPT) Kuala Lumpur, Asisten Komisioner Sarifudin Mohd Salleh berkata, jumlah saman tertinggi membabitkan kesalahan

halangan lalu lintas atau parkir.

“Kesalahan tertinggi halangan lalu lintas sebanyak 7,123 saman, berhenti petak kuning (20), berhenti di laluan pejalan kaki (699), tiada lesen (236), kesalahan nombor plet (101), dan cuakai jalan tamat tempoh (155),

Selain itu kesalahan tiada insuran (tiga), tidak ikat topi keledar (39), tiada nombor pendaftaran (16),

tiada cermin sisi (81), menggunakan telefon (63), tidak tampal P (42), lesen tamat tempoh (31), lampu brek tidak fungsi (satu), ubah suai kenderaan (lapan),” katanya dalam satu kenyataan, semalam.

Menurutnya, operasi itu dijalankan dengan kekuatan 112 pegawai kanan dan 1,401 anggota JSPT Kuala Lumpur selain bantuan daripada sejumlah anggota Dewan Bandaraya Kuala

Lumpur (DBKL) dan Jabatan Pengangkutan Jalan (JPJ).

Katanya, 63 operasi antaranya OP Telefon Bimbit, OP Motosikal, OP Had Laju/LSD, OP Perdagangan, OP Halangan dijalankan di beberapa lokasi sekitar ibu negara.

“JSPT Kuala Lumpur juga melakukan 24 tangkapan dan turut menyita sebuah motosikal dan sebuah lori,” katanya.